



## Միքայել Նալբանդյան

### Մամիկոնյան Մեծ Վահանի պատասխանը

Հիմի է՛լ խոսենք, եղբարք, հիմի՞ էլ,  
Երբ ընտանեկան երկպառակությամբ  
Ուրիշ բան չունինք, բայց իրար դավել,  
Եվ սարսափելի ազգուրացությամբ  
Մեր նախնյաց ուխտը ոտքով կոխել ենք .  
Հիմի է՛լ խոսենք:

Հիմի է՛լ խոսենք, երբ քաջն Վարդան,  
Վաթսուն հազարից, հազարով մնաց,  
Մինչ մնացել էր պարսից լոկ մատյան  
Գունդը՝ մեր վաթսուն հազարի դիմաց,  
Երբ մեր վատությամբ՝ ո՛րչ կորուսել ենք .  
Հիմի է՛լ խոսենք:

Հիմի է՛լ խոսենք, երբ օտարից շատ  
Մենք ենք մեր ազգի արյունը խմում .  
Մոխրատնով լցինք Դվին, Արտաշատ,  
Ծխի մեջ կորավ խաչն եկեղեցուն,  
Երբ այս ամենը մենք կատարել ենք .  
Հիմի է՛լ խոսենք:

Հիմի է՛լ խոսենք, երբ հրապարակում  
Պարսիկը առակ արել է հային .

«Եթե ասորու նման աշխարհում  
Չկա մի վատ ազգ, բայց, քան ասորին,  
Է՛լ վատ է հայր», մենք այս տանո՛ւմ ենք .  
Հիմի Է՛լ խոսենք:

Հիմի Է՛լ խոսենք, երբ իշխանություն  
Ծախում է անարգ հացկատակներին,  
Մինչ ասորուկ մարդիկ նստան մեր գլխին  
Եվ մեզ կարծում են հող իրենց ոտքի,  
Ու մենք մեզ կոխող ո՛տքը լիզում ենք .  
Հիմի Է՛լ խոսենք:

Հիմի Է՛լ խոսենք, երբ Լուսավորչի  
Բնիկ ժառանգի թևերը կտրած,  
Անարգ պարսիկը՝ այս ու այն թեմի՝  
Կարգում է տեսուչ ըստ յուր չար մտաց  
Եվ մենք դեռ «կեցցե՛ արին» գոռում ենք:  
Հիմի Է՛լ խոսենք:

Հիմի Է՛լ խոսենք, երբ ձեռք ենք տալիս,  
Երբ ողջունում ենք մենք այդ չքերին:  
Որ դրան շուն են, և մեզ տեսնելիս՝  
Շուտ դիմակները դնում երեսին,  
Այդպիսիներին դարձյալ պատվում ենք .  
Հիմի Է՛լ խոսենք:

Էլ մեր երեսին մնա՞ց մի կաթիլ  
Անոթի սուրբ ջուր, որ բերան բանանք:  
Ո՛չ, թե չենք ուզում հողից հող կորչիլ,  
Թշնամու արյունով մեր թրին ջուր տանք:  
Ազգ, եկեղեցի փրկենք ազատենք,  
Ապա թե խոսենք: